

滄粟盦詩鈔



08262

滄南金
詩
金

舊屬吏懷寧才邦顯



同治二年庚午
吉子不圖



滄粟庵詩鈔序

山橫條嶺時多能賦之才樓矗清風代有悲歌之士况復家傳繆紱足半瀛寰風高燕市漸離之筑同聆月滿羊城蘇子之游更壯宜其笙簧跌蕩鼓吹鏘洋誰謂文章政事未許同科循吏儒林偏難合傳也乎芸士廉訪聲齊俊及績懋龔黃翩翩濁世之英叠叠神君之頌歌桑枝之無附政樂張公騎竹馬以爭迎人親郭伋或以手批鉛槧當妨聽斷之精勤腰綰銀黃難縱謳吟之雅致不知五官並用八斗斟才都亭聽訟之餘彌高興寄原隰行春之暇不廢推敲始其探幽嶺海攬珠江銅鼓滄粟庵詩鈔

序

一

之奇繼復選勝湖山啜月桂風篁之傳登七星而霞飛墨彩訪三竺而玉瀉詞源句瘦呈佛詩清欲仙問烏衣之貴介遜此風流笑黃卷之經生無其標寄若夫藥名獨活難求聚窟之返魂烏慟分飛屢失迦陵之共命義山錦瑟華年生曉夢之悲摩詰銀箏獨夜茹空房之慟淒涼掛壁心傷潘岳之詞黽勉營齋腸斷微之之句人非木石詎可忘情分屬絲蘿誰能遣此由是羅衣怯換綺思全芟蘇蘭薪桂但有樵青經卷藥鑪忍邀萼綠蕭然襍被如參玉版之禪闕若帷房遂罷金釵之列是則聆鼓盆之什歎其不情歌搜篋之詩爲之彙歛者矣日

月易邁星霜遞更敷歷彌艱賢勞愈劇導雙旌而按部
驅五馬以行邊五版並入百函飛馳麻思受命及關而
郡縣皆符劉晏運糧臨河而舟車悉備錢刀瑟縮半爲
無米之炊羽檄縱橫並作唱籌之計形神並瘁酬唱遂
疏所以一官一集難爭往哲以多聞九歎九懷益念時
艱而輟咏也茲者披雲雜誦鹽露長吟八哀賡杜老之
篇詞非月露五色麗邱遲之錦筆溷雲霞讀岐陽之鼓
句重語奇操海上之絃矜平躁釋尤矣曹劉之勁敵洵
哉陶謝之宗風不揣支詞用舒誠悃此日三都賦出爭
傳洛下之箋他時一品集成更效樊南之序陽湖汪昉

滄粟庵詩鈔

序

二

謹撰

題詞

同里 王國均 侶樵

詩得江山助吟壇早著聲一行爲吏久九轉悞丹成山

後吟詠 久廢 詞客難禁老 四十歲鬢 髮皤然 君守兗州 辦理軍務

事竣加道銜 鏡歌欣入奏賴此有長城

宦罷時聞警 咸豐十年 卸東臬事 干戈逼五旬世惟欽政蹟天不

壽詩人爐火千鎚旬風霜百鍊身遺編付黎棗展卷淚痕新

清苑 李鈞和 仲衡

廿載循良著功成遽返真東山無長吏渤海失詩人臥

滄粟庵詩鈔

題詞

病今三載傷心未六旬不堪回首處烽火話艱辛

同社多名士 君於道光丁亥立扶雲吟社所得 詩詞彙爲三卷曰寫韻室存稿 君真出

一頭傳人非著述得句自風流吟苦宦情淡病餘生氣

留笑談猶昨日展卷已千秋

甘泉 汪南金 蘭甫

曾共談詩到夜分可憐人竟唱秋墳不圖栢翠薇紅外

畫戟香清想見君

錦囊佳句馳名早中歲拋荒亦有因只恐文章誤經濟

不教循吏作詩人 集中多未 出仕之作

留得千秋勿婦辭落花依草似邱遲石林宗派橫山繼

一瓣心香更屬誰

同里 于光袞 阿璞

遠道去南國江山助大才日星丞相墓風雨越王臺集

有文丞相墓及越王臺詩報

國身多病論兵鬢早摧孤寒齊下淚掩卷不勝哀

袖得張郎筆雙槁去不停曲沈湘水碧君詩扁舟春水浮衡湘眉

入粵山青就婚於粵破鏡蟾光瘦飛花蝶夢醒集中多悼亡之作平

生惆悵意多半在西冷感舊詩南國來妹子西冷泛畫船

本是耽吟客勞形案牘陳怕償詩酒債爲現宰官身千

佛慈雲護千佛山在歷下三生慧業新愛民足圭臬名位仰斯

滄粟庵詩鈔

題詞

二

人

王郎賦柳色寂寞明湖春攜得性靈句來商踈嬾人借樵

以君詩雲行含雨意花放足天真一卷堪千古泉臺莫

愴神

歙縣 鮑瑞駿 桐舟

感喟蒼茫弔古時情深尤屬悼亡詩從來慷慨悲歌氣

非復風雲月露詞蠹簡摩挲新涕淚龍門想望舊恩私

魏公有集應長在卽是人間峴首碑

天津 周士澄 樸卿

文章經濟重吾鄉披讀遺編倍感傷廿載循聲傾海岱

幾人詩品抵漁洋悼亡賦就憐霜鬢懷古情深見熱腸
小住湖山公憶否公引退後自署楹聯云湖山留小住危蓋謝諸公年來風景
又滄桑

滄粟庵詩鈔

題詞

三

滄粟庵詩鈔卷一

滄州葉圭書芸士

繪春吟四首

時將就婚
於粵東

春柳

者番誰與繫離思長短亭前看柳絲
放眼綠回江上早
畫眉春到鏡中遲
愁邊煙雨人千里
夢裏關山笛一枝
堪歎濃陰猶未滿
等閒先教道旁垂

春草

多少春愁翦未齊
何堪重眺夕陽西
東風泛碧涵江影
南浦留青待馬蹏
香到蘼蕪歌調緩
圖成蛺蝶夢痕低
滄粟庵詩鈔
卷一
一
幾灣引得漁郎去
紅襯桃花綠映溪

春蝶

簾外晴煙鎖日籠
飛粉蝶覓新叢
南園春到夢猶冷
深院寒消香欲紅
遠徑怕尋芳草路
過牆擬趁海棠風
前身本是羅浮侶
要住瑤臺花雨中

春燕

海燕飛飛觸旅情
幾番惆悵水雲程
地非故國誰相識
巢是香泥要自營
門戶新依憐去住
鶯花舊約記分明
客懷不待秋風起
已覺閒愁鎖疊并

病馬和倪明經元韻

風雲縱步九衢寬回首嫌山意未闌無奈鹽車身久困
不關燕塞地多寒雄心豈異平時熱駿骨翻宜瘦去看
聞說長安多伯樂問君底事怯雕鞍

出門

意氣凌雲感慨多壯懷詠古幾長歌鄉隅無處安詩筆
萬里南荒弔尉佗

苦熱

火雲一萬里行人方遠征驅車躡長途驕馬慘不聲道
旁樹如蓋小坐神微清有客負重任揮汗如雨傾亦趨
樹陰下喘若吳牛鳴取瓶汲井泉氣欲吞長鯨飲畢復
滄粟庵詩鈔

卷一

二

就道赤日仍晶熒攬轡忽自笑安車勝徒行陡覺四壁
閒謾諤涼風生

鄒滕道中

敝車羸馬日閒關且莫頻歌行路難一櫂西風人萬里
此閒還作故鄉看

睢南哭二妹

竹馬同嬉事尙新妹少余一歲回思未及廿年春阿兄此日

爲行客弱妹他鄉竟古人千里何期慳一面重泉應許

覓雙親

先叔嬸俱早下世

傳來噩問迷離甚隔宿猶疑聽未真

京口

人家兩岸柳，
參攈回首金魚擁。
翠嵐柔艣聲聲聽不斷，
澹煙微雨到江南。

江上

江上西風泛客槎，
誰將離恨入琵琶。
萬千重碧疊山色，
三兩點紅開蓼花。
一枕鄉心驚歲月，
無邊秋思又天涯。
不須更唱吳孃曲，
已恐星星點鬢華。

錢江棹歌

冰絃掩抑手頻揮，
調轉相思聲便微。
留得一分嬌氣力，
潮頭打槳等歡歸。

東行蕩槳過嚴灘，
西行蕩槳又常山。
桐江夜夜潮千疊，
滄粟庵詩鈔

卷一

三

只有離情共往還

卽目

日暮灘流急，
客舟來往頻。
不知帆影裏，
幾箇是歸人。

藐姑山

山有一石俗稱白石夫人

白石夫人號自殊，
依然冰雪似肌膚。
彭郎早逐江潮去，
卻掃眉痕對小姑。

寫悶

蒼莽前途暮靄霏，
幾回悵望欲何依。
山因競出看都厭，
詩爲題多作轉稀。
頓有笑言惟把酒，
偶無聊賴便思歸。
推篷卻羨遙天雁，
獨趁西風任意飛。

鄱陽湖夜泊

野瀨無名字茫茫湖水秋故園今夜夢何處覓孤舟

登滕王閣

簾捲西風雁影斜數聲漁唱隱蘆花何人搦得滕王帖
依舊長空見落霞

過灘

曲折隨流轉委蛇放棹行回看刺船處落日亂山橫

詠鶴

病骨憐渠太瘦生一聲驚醒夢三更祇他湖海飛來後
獨倚闌干立月明

滄粟庵詩鈔

卷一

四

十二月十三日有作

坐到人俱靜披衣近短檠低聲先問病避面若爲情風
雨八年恨關山萬里行相看成一笑今日始憐卿

越王臺

越王當日此登臨大長蠻夷意氣伸北指片雲占玉漢
西騰一炬看燒秦回頭故國悲封樹揮手黃金饋使臣
揚僕樓船何處至千秋遺址墮煙塵

題黎石泉尊甫稽屏大令羅浮良泉圖

宦海歸來洗俗緣羅浮訪勝託雲煙草生靈境皆丹藥
人住名山卽散仙蝶影幻成身外夢梅花香逗靜中禪

尙嫌棲隱猶塵世，偶爾驂鸞竟渺然。

呼鑿磴

幾年僭號侈飛龍，轉眼呼鑿殿宇空。地下有知應一笑，洛州刺史竟英雄。

光孝寺

虞苑傳宣敕，使過黃金塗。塔奉彌陀官，家去作降王。長邱首能歸佛力，多

素馨墳

一片仙雲出漢宮，花田千載豔秋風。瓊芝手縮平章印，誰爲墳頭表侍中。

滄粟庵詩鈔

卷一

五

君臣冢

君臣冢畔掩苔痕，國破還餘抔土存。浪打崖山人痛哭，趙家塊肉但招魂。

百花墳

人貌如花花葬人，風流香豔死猶新。蓮香集裏亭亭句，信是真娘有後身。

銅壺滴漏

聲聲如聽景陽鐘，曉夜驚心最懊儂。鐵鳳燒殘宮樹死，百年嗚咽付銅龍。

南園

南園五子起遐荒前後爭輝社土香欲訪吟壇尋故址
滿山春草臥牛羊

客愁

客愁潦倒計全非屢說還家願屢違未必花開真稱意
果然藥好是當歸江鄉舊夢靡蕪老海角秋風燕子飛
檢點行囊添別恨淚痕灑遍去年衣

南海神君廟古木棉花歌

神君主祀來南溟蒼龍爲馭虹爲旌森然萬騎殿前立
拔地千尋鱗甲碧虹旌飛起引海霞隨風散作紅棉花
我初來粵不識此神廟偶然舉遊趾但見霞光百道銀
滄粟庵詩鈔 卷一 六

海眩有如竟時十日空中現又見明燈盞盞自天來有
如魏宮萬炬環高臺又見朱纓斗大連雲轡有如趙城
盡立漢赤幟我聞海有四照扶桑枝應是神君折取迎
朝曦我聞海有十丈珊瑚樹應是神君移作殿廷柱不
然神君封王建玉京唐封南海廣利王有碑記之環以十二芙蓉城
不然神君夜宴擊銅鼓廟有銅鼓亦數千年物赤衣小兒傳花舞

神君看花鳴宮商紛紛飛起丹鳳皇夫人看花出前殿

廟有南海夫人朱雀遮掩龍宮扇此花不識裁何年唐碑半折

龜趺遷想自古昔已彪炳千樹萬樹如相暹海門風起
浪如花來往遊人在紅影

南海劉龔家歌

家在番禺北亭田間

芒碭朱三作天子一時梟獍紛紛起南溟蛟蜃鼓腥霧
起據嶺南爲節度飛龍在天龔字新命名驕妄殊等倫
自謂勲德似劉季不爲唐臣爲漢帝嶺南國勢本足多
魚鹽山海歸網羅泥封函谷橫五嶺眼窺湘楚連牂牁
有此富強能順守君臣交警圖永久縱難北向爭中原
猶可從容看鹿走嗟爾貽謀胡不臧太阿長柄歸貂璫
灌鼻刮舌刑更酷蛇吐毒涎看水獄迫爾嗣子效爾尤
強藩鼓刃斫其頭諸子猜忍皆仇讐血濺霜刀成赤流
若晟若銀嗣爲主立法頗欲續其祖宦者署爲內太師
滄粟庵詩鈔

卷一

七

生地獄中人作脯厥後竟用龔澄樞狼貪羊狠覆爾都
降王繫頸執挺去漢家宮殿空煙蕪吁嗟乎嶺南門戶
雄且堅據守未及六十年爾作初基已先顛晟也銀也
何足憐我因訪古來北亭遙見一抔草青青同人謂卽
劉龔墓嗟呀恐是傳聞誤我聞前明崇正壬午歲農夫
發穴探珠貝玉魚寶鏡置下層有碑紀之曰康陵其冢
早已遭鋤耕何以今日土復增我疑未畢悲風生白楊
怒捲丹楓鳴豈伊厲魄尙在能來聽

漱珠橋食海鮮得饒字

老饕鼓唇舌忽此矜貪饒拔劍斫三瑞急火烹小蟻

瑞三

似鼈城

似蛤

禾蟲節節色光怪龍蝨黑甲如釜黓

禾蟲似蜈蚣味最美

龍蝨肉

白殼黑杯盤雜進恣大嚼鳴吻張動牙巉巉更有魚生

徐調攬引滿浮白談笑劇淋漓餘汁污青衫檻外午潮
正洶湧蛟龍駭泣走彭咸李子瑟縮不敢食搖頭咋舌
私詰喃衆人競笑謂嚼蠟祇宜隅坐同三緘上古聖人
制火化早知此味應除芟西天佛子嚴戒殺豈知此味
可下天龍涎

羊城雜詩

峭寒連日透窗紗應是東風信尙賒剛說迎春春已遍

滄粟庵詩鈔

卷一

八

滿街紅雨賣桃花

最宜消暑荔枝灣手摘丹砂供玉盤到此不須愁熱惱
水晶椀內浸冰丸

仙姑七夕渡銀河水陸家家醮會多

粵人七夕佛事最盛名曰水陸謂織

女爲七仙姑拜之

簫鼓畫船看乞巧素馨燈影木魚歌

結素馨爲燈

北風昨夜忽嚴凝似此冬寒得未曾絕早街頭呼賣雪
畫塘新結一層冰

海南珍錯佐飛觴異味年來次第嘗最是他時忘不得

浮留紅豔醉檳榔

不遊羅浮歌

我來粵東年餘不到羅浮山同人謂我仙緣慳勸我往
遊我不欲同人謂我情何俗我云看山譬如觀美人非
觀一體觀全神看山又如畫修竹節節爲之殊窘蹙羅
浮乃是神仙宮煙雲呼吸通天風兩山四百三十有二
峯峯峯眞面安能窮座中亦有曾遊客羅浮之妙幾人
獲麻姑有酒香不留碧霄有樂聲難求安期東海跨鯨
去啞虎酣睡銅龍愁不能聳身天外一眼覽全勢攀林
涉澗徒使心悠悠相賞不過一木或一石何須仙山福
地誇豪遊我願往遊頗念是但據羅浮圖一紙羅南浮
北指掌看仙雲眼底飄飄起劉壇曾賦招仙詞天華亦
滄粟庵詩鈔

卷一

九

賦弔古詩

天華宮南
漢王建

千年猿狖健騰躍五色神鳥光陸

離閉目歷歷恍可會煙霞出沒探窮奇傳聞象嶺排雲
人跡阻絕處我亦恍若曾攀躋况乎羅浮甕爾手曾弄
仙蜨飛來若丹鳳友人飲我清茗水涓涓云是羅浮山
上卓錫泉羅浮仙難逢羅浮跡如此已看羅浮山已飲
羅浮水安用芒屨竹杖嘗苦辛所見儻不逮所聞况聞
羅浮有約不能到倉卒徒被山靈笑不如他日洗卻塵
土班稚川先生應有招我歸來篇

留別外母

離筵一拜不勝情萬里風帆竟此行不是歸心如此急

子規啼遍一聲聲

曾記來時別母難今番別恨又纏綿不知兩地愁多少
但覺消魂似去年

灑涕臨歧喚奈何他時回憶隔山河感恩淚與懷人淚
恐比今番送別多

牽裾無那鎖依依轉瞬慈顏萬里違要覓金萱歸後種
年年長此託春暉

觀音巖

一壁插天立一穴含虛空中有觀自在瓔珞垂玲瓏佛
力滿大千一寶亦能容洞頂復一洞階級尤蠶叢便登

滄粟庵詩鈔

卷一

十

兜率天但覺雲濛濛白晝黑如漆一燈闍不紅四壁森
劍戟鬼影來熊熊云復有小洞可通飛來峯探身試一
窺撲面吹陰風急走勿敢顧恍惚迷雙瞳怪石類人立
來往相要衝連呼從者至出門日瞳矐乃知佛住處鬼
窟非天宮

韶州道中

韶石碧於洗輕舟帶夕陽風多帆影健灘急水聲強計
路家猶遠攤書業暫荒寄言故園侶客味不堪嘗

梅嶺謁張曲江祠

粵嶠最高嶺南荒第一人有公山益峻其德古猶新金

鑑千秋朗梅花萬樹春庚郵通上國誰爲闢荆榛嶺路爲公

寄羊城諸知己

陳蓮史繼昌

京華聲望每遙聆嶺嶠相逢類聚萍與我交情非有素
看人冷眼忽然青量浮溟渤深堪挹琴寫高山冷共聽
別後還如在君座春風一路送歸舲

陳理齋鼎

不從衆口覓英稱植品居然最上層顧曲每聽聲激烈
寫山全露骨峻嶒理齋工山水善度曲金蘭有約通芳譜雲水相

滄粟庵詩鈔

卷一

七

思託素繒瀕行贈余畫冊此別漫嗟良覲少人生風絮總無憑

范素庵濬

去年旅况忒艱辛晨夕相過賴故人我似馮驩彈客鉢
君如荀勗識勞薪談逢有興聲都健坐到無言趣倍眞
記得美髯最飄逸莫教重換萬絲銀

李潤堂宗鴻

同氣如蘭兩意憐敲詩把酒瞬經年情懷曾預談離後
景味今都到眼前作札但餘相念字回頭難問再來緣
明朝便度梅花嶺萬丈青峯又一天

詹昭亭縉

天涯一樣話酸辛
話到君身倍愴神
世事都諳爲客久
家山雖好欲歸貧
無真賞鑒誰知己
作嫁衣裳只爲人
便是才從此去
珠江孰與證前因

昭亭徑情直遂年
來謠詠頗多近作

小照名
前因圖

吳伊珊冕

同遊早見性情真
與我周旋寂寞濱
身世已如雲出岫
光陰恒歎墨磨人
天涯幾輩餘今雨
客路連番送好春
等是傷離君更甚
西湖爾日正芳辰

黎石泉大觀

去年訪友到吾廬
一見知君氣味殊
孤鶴雲中秋颯爽

滄粟庵詩鈔

卷一

七

萬花腕底露沾濡

石泉不求仕進
以書畫自娛

仙人舊跡留椿蔭

石泉

先人隱羅浮山
人謂避穀仙去

雛鳳新聲看鯉趨

令嗣天姿穎異
石泉期望甚殷

一握

清風勞贈我

臨別以
扇相贈

便應攜去走蓬壺

南康途中大風雨

黃沙兩岸雲氣涼
白日不動天蒼蒼
我舟放棹行復止
維舟覓岸殊倉皇
我呼舟人問所由
乃言有雲如墨來
當頭我聞斯言正
疑似舟人驟曰風
已至果然萬竅皆
怒號江波騰沸黃
沙高忽有銀山萬
丈自天下雨聲直
似胥江潮我伏舟
中不敢起萬騎喧
闐聲聒耳久之天
忽放新晴雨過水
平風亦止舟人理
榜重挂帆長空萬

里無雲煙羣山一帶變青紫夕陽紅上浮圖尖

下十八灘

瓊都讖罷玉皇醉俯瞰江流等平地推下瑤山數十峯
大石小石紛紛墜參差高下排中流怒搏濤聲馳萬騎
是爲九瀧十八灘或名惶恐或落淚俱灘名前年雨多秋

漲滿揚舫過此了無異今春水淺纔兩尺怪石嗟呀怵
心志舟子未敢逞熟手持篙顧盼情愕眙始如曲徑走
羊腸俄似懸崖縱怒驥風聲水聲方聒耳舟人已賀安
無事回頭不辨何處來但見峯巒錯雜如鱗次我母曾
作閩中遊屢言行路非兒戲我聞閩江灘亦多不知較
滄粟庵詩鈔 卷一 三
此孰難易得母比例身所經念兒履險增憂悻

文丞相墓

國破君亡拚一死世間壯士皆能耳惟公不死亦不降
正氣浩浩健筆扛燕京一樓住三載從容賦詩若有待
非留餘燼待重燒非留性命從新朝專待天清地皎星
月光輝日領取柴市東頭刀維公丹心照汗青負骨歸
葬元如生母柩適從嶺外返一朝同至吉州城忠亦烈
兮孝亦靈精氣耿耿耀日星我辦一芹薦公墓更有一
語爲公訴我自粵東訪古來崖門當日天難回蘇劉義
更立王且都寧山頭建禪臺在順德縣立數日爲元兵所殺史以帝骨

終宋統我謂帝且宜相踵劉義死節不徒死手扶日月
歸邱壟書缺有間無能補殉國帝王失系譜史臣不解
廣摻羅毅魄忠魂痛千古

滕王閣

子安一序至今留高閣依然帝子洲未必仙人真萬古
會逢名士始千秋雲痕依檻碧初墮山影壓江青欲流
我爲省親行萬里要憑風力送歸舟

過玉山

嶺似屏風樹有屏風嶺肩輿過草萍草萍驛樹從雲外碧山入

越中青家國程猶遠羅浮夢欲醒怪予遊興好風味近

滄粟庵詩鈔

卷一

西

西冷

嚴子陵釣臺

後宮玉體誇橫陳天子同榻殊多人一臥便足犯帝座
襄王應斷巫山雲靈武亦抵李泌足不聞客星變天文
漢廷太史何怪誕細揣其故非無因子陵本自布衣召
偃蹇之態左右瞋范升一奏肆羣吠一時淺者爭紛紜
先生自有桐江水雲臺安用銘奇勳桐江之水何鄰鄰
富春山下垂青綸夏月披裘亦偶爾小儒何事輕搖唇
君不見雲臺址已荒漢宮無片瓦惟有釣臺長嵯峨千
秋萬古江流瀉又不見將星或墮地帝座或下移惟有

客星長耿耿千秋萬古光陸離

岳王墓

港塞筏刀扎麻岳王神算千秋誇三百弓八石弩岳王
神力誰能伍撼山容易撼軍難岳王得勝萬人歡黃龍
未飲金牌促岳王旋軍萬人哭萬人徒哭亦奈何何如
掩詔仍揚戈將在外不受君命受命何如還二聖事成
自拘司敗囚陳湯矯詔猶封侯縱使得罪亦快足猶愈
郎鐙三字獄此說誠足快衷腸畢竟論史猶未詳王功
不成宋可久功成宋不旋踵亡想彼高宗位已定詎能
避位持謙遜徽欽亦非恬退人奪門不待明天順不然
滄粟庵詩鈔

卷一

五

宋構亦梟雄姦臣慝慮爭奇功兩宮不暴沙漠骨喋血
終染宮門紅從此白刃推無已蕭牆之內干戈起內癰
外疽宋祚窮何待崖門塊肉死我持此論未敢語且向
墳前薦雞黍此歌讀向墓門聽岳王應許吾與汝

悼亡

輾轉哀呻夜復晨一聲呼救倍酸辛可憐已絕回生望
相對翻同袖手人氣急難逼心上語魂離還是抱中身
余適扶之起
坐頃之遂死
閉久之已將兩目深深閉忽地重開似有瞋死時
目已
復開

曾把鴛盟訂百年是何夙孽病纏解居然到此全無救

不信如斯便了緣儻有藐孤當力撫或留遺屬亦心鑄
兩般都付悠悠恨教我何憑慰九泉

憐予萬喚又千呼或者芳魂在此乎素所傷心惟念母
明於大義祇從夫生愁死恨重泉杳粵嶺燕雲萬里殊
到底一靈何處託風南風北總模糊

如此蒼蒼不可知者番慘變竟因誰好花是我生攀折
客路與卿死別離往日笑談今日淚意中言語夢中思
雙魚未向萱闈報生恐輕霜著鬢絲

招魂

與爾登舟去芳魂知未知千呼不相應一變竟如斯莫
滄粟庵詩鈔

卷一

七

痛今非昔依然我共伊吳山卿所慕未可返雲旗

遣恨

相期地久與天長撒手西歸竟渺茫留下情波深似海
教儂何處覓慈航

如此恩情如此長到頭如此好收場今生已是緣都了
說到來生更渺茫

大風雨渡江

蜚廉鼓竒颿江天失青碧京口萬株樹與風相軋戾疾
雷破空來一雨漫江白雪浪湧如山聲勢與天拍疑是
江神遊六齏受鞭策疑是雲中君戲翻蛟龍宅中流快

大觀面目旋河伯胸中魄礪消眼底浪花迫輕舟起復
落一任風濤擲俄頃抵瓜步頗訝江面窄奇景觀未暢
回首殊惋惜安得常住此變態看朝夕大阮去歲歸長
江挂蒲席陰晴與風雨景狀當千百歸與仔細論聽者
舌應咋

偶感

偶寫思鄉句最工唬痕點點灑春風今番未忍觀遺墨

恐把新紅掩舊紅其思鄉云寒雲慘淡雁飛來送別人
淚滿頭此去不知何日見時時回

望越王臺此韶
州舟中之作

謬說郎詩味最長新詞屢倩補催妝閱余詩藁無催妝
詩常倩以小詞補

滄粟庵詩鈔

卷一

七

之一 枝生死無情筆竟使連篇賦悼亡

南海詠古

孫盧化龔竟喧嘈百粵雄封勢自豪海浪萬重坤軸盡

梅花一嶺越城高地更霸王風猶壯山蔚衣冠氣未韜

郭璞謂靈州山
是南海衣冠氣我到此間多古慨書生當日建星旄

曲江懷古

賢相歸來嶺海間羯兒鼙鼓走潼關深宮早已忘金鑑

荒驛空教碎玉環蠻徼蠶桑今竟闕蜀山鳥道古猶艱

臣心自有千秋痛淚灑梅花萬樹斑

胥江懷古

專諸何自見吳光伍相殷殷滅楚忙
檣李何須仇鳥喙
鳴夷應是報魚腸
蘇臺幾輩人俱謝
越國千秋弩尙強
到底忠靈終不泯
怒聲八月震錢塘

錢塘懷古

倉皇泥馬走前星
初把杭州作帝庭
名勝古稱真福地
湖山今是小朝廷
旂回大將金逾熾
錯鑄姦臣鐵尙腥
知否射潮前日事
千秋負販有英靈

京口懷古

寄奴當日侈龍興
此地曾憑尺木乘
北顧堅城連鐵甕
南朝王氣漫金陵
但教擊楫人長在
豈道長江鎖足憑
滄粟庵詩鈔
卷一
六
我有興亡多少恨
夜來談到浩波澄

維揚懷古

江都幾度奉宸遊
桃李花開起暮愁
龍虎易消關內氣
君王空惜鏡中頭
三更畫舫橋邊月
十里珠簾水上樓
也算官家有千古
至今歌吹屬揚州

淮陰懷古

釣臺千古雨淒淒
漂母祠前杜宇嗁
垓下兵來終帝漢
未央禍起在王齊
治朝縱不容功狗
臣命何當付牝雞
猶憶昔年弔君處
韓侯嶺上舊輪蹄

嶺在山右爲韓侯葬首處

下相懷古

項王此地錦衣行逐鹿中原莽甲兵刀下君能留徂肉
軍前人竟忍杯羹力窮驅馬猶誇戰誓約鴻溝太信盟
贏得史公多惋惜不須悲憤怨東城

睢陽懷古

羯鼓聲聲走賊烽男兒死耳義從容背將裂處忠心壯
戰到酣時詩興濃愛妾玉膚登大俎偏裨血指在鄰封
雙忠祠外靈旂颺長護睢陽萬雉墉

順河題壁

雲樹依依近故關天涯萬里竟生還備經離合悲歡事
遍看秋冬春夏山世味漸更詩境改鄉心愈切僕夫閒
滄粟庵詩鈔

卷一

九

歸家細與慈闈說聽到淒涼淚欲潸

到家

慈親一執手喜極更相猜莫是予猶夢何當爾獨來尙
思言暫祕無奈淚盈顙且作達觀者萱堂霜鬢催

偶興

我自有真賞翛然孰與鄰雲煙供小隱風味試初貧把
酒酌孤月攤書來古人紅塵飛滾滾暫爾得閒身

劉生歌贈劉問枚孝廉

古樂府劉生辭稱其任俠豪放徐陵所云劉生
殊侷儻任俠遍京華梁元帝所云遊俠有劉生

然諾重西京是也問枚隨宦涉厯秦隴復客京
國少年豪俊所至多俠遊旣乃折節讀書恂恂
若古儒者與余結鄰鄉間杜門卻掃泊如也
因爲劉生歌贈之

相逢遊俠子慷慨歌劉生劉生在何許秦隴傳姓名隴
雲漠漠旌旗飛劉生射雉天山歸韋曲春風好遊冶劉
生新試青驄馬忽然不愜劉生懷揮鞭直上黃金臺談
笑取上第然諾傾羣才長安北里人如玉亂擲纏頭夜
聽曲千金一博呼盧豪酒徒磅礴歌聲高旣乃大噱不
可止劉生劉生胡爲此舉手便辭朱郭儔行縶雙縛走
滄粟庖詩鈔

卷一

三

鄉里溪南有破屋賤子此踰伏一朝剝啄蓬門開翩然
乃是劉生來琴囊劍匣古寒素與我相期水雲住

送吳立亭表叔之官袁浦

以從九隴
發南河

者番纔稱好鬢眉高捧雲符下殿螭清德共推三世著
微僚能荷九重知榴花逐客明淮浦

端陽日
啟程

健竹論勳

湖衛淇

君伯父勺山舅祖任
東河衛糧黃沁等廳

自有修防舊家乘障瀾隻

手總優爲

嗟余別恨賦年年

家叔兄連
年均出仕

恃有同心解共憐遣日我

猶埋故紙追風君又著先鞭也知騏驥前途遠爭奈驪
駒舊恨纏櫻筍江南好天氣幾時借泛木蘭船

雜感

小庭景物足清妍觸忤閒愁一黯然
憐煞畫梁雙燕子香巢何處問明年

鴻雁雙雙傍釣磯相呼相伴不相違
年來已是傷離徙那更江天任獨飛

題李礪瓠詩卷

萬般意境總生新認是雕鏤卻率真
自把靈臺作宗派一枝斑管不依人

一斑聊向管中求濃淡清奇次第收
佳境已教歎觀止

那知纔是蔗梢頭

君著作甚富所見吉光片羽耳

滄粟庵詩鈔

卷一

三

攜歸旅館不停披漏點沈沈欲斷時
卻憶髫年鄉塾裏蘭缸芋火讀君詩

寄陳理齋

遙天日日盼南鴻道是書來卻又空
檢點從前離別恨自拈團扇寫秋風

行路難

子佩夢爲乘舟詩得豈知雙腳下萬丈翻波濤
二語余行其意爲行路難二首

放舟下巨浸快意恣遊遨推蓬酌素酒何啻高堂高
豈知雙腳下萬丈翻波濤篙師逞身手行止任所操
颶風

發狂怒失色相呼號人力靡所用徒有帆與篙豈云世
路險我自凌滔滔

豈必觸浩流安輿亦致遠不知朽索馭亦足摧心膽我
見轅下駒平皋苦偃蹇矯首上太行一蹶下九阪將欲
伏鄉閭安步當車緩何意蓬蒿中荆榛三徑滿

池荷作花有懷十一叔父印山長兄

榴花開老蘋花香山村六月晨風涼紅橋曲曲雙柳碧
一灣流水橫陂塘蓮葉亭亭纔百柄忽然菡萏開中央
主人貪睡恒晏起爲爾破曉來茲堂茜紗窗啟度微馥
乘風縹緲凌朝陽片雲作暝過小雨生塵羅襪矜新妝

滄粟庵詩鈔

卷一

三

冷碧一簾瀉泉水空青十丈牽垂楊便欲采蓮泛孤艇
如聞越女來鳴榔池僅數弓亦何有五湖煙水同茫茫

對此陡覺觸遠恨懷人夢繞菰蘆鄉此池初鑿始大阮
辛卯之春叔父始開此池高吟時聽聲琅琅銅符手綰豫章去迄今

六載羈塵疆阿千曾住池上屋叔父去後兄卽居此齋中扁舟春水

浮衡湘今春自江西起程由湖南赴粵西桂林萬里雁不度尺書未至

徒徬徨竹林相將去南國水雲泱漭憑徜徉蓮洲荷蕩
地多有詎復羨此一鑑方偏是鄉心拋不得時時歸夢

來池旁我昔客味曾親歷江湖泛權抵五羊一年作寓

蓮沼上余在粵寓李氏鏡園中池蓮極茂故園風景無時忘暫時作客

猶復爾况渠久宦歸難望明年我亦適遠地北山移檄
蚩蒼黃三徑無人就蕪沒荷花慮與松菊荒念此益使
心悽愴澆愁聊盡酒百觴從來樂地多感傷酸吟不覺
言之長回看荷花斂笑口露珠作淚流浪浪

夏日卽事四首

平明微雨歇獨起款書堂一逕入幽碧藕花來遠香牆
陰移榻坐人語赴耕忙更向柳深處還餘曙色蒼
篆煙飛不去裊裊在簾波樹合重陰暗堂深午夢多鳴
禽瞋客至急雨挾雲過煩暑勞相滌新詩一嘯歌

紅日度林去蒼然來暮煙鳥聲爭樹急魚戲闖波圓石
滄粟庵詩鈔

卷一

三

仄卧思簟風清坐近蓮斷橋拂疎柳小幅聖湖船
星河何耿耿人籟寂如收花氣忽然過蟬聲漸似秋疎
風來曲渚涼月上危樓卻憶年時事長安旅夢愁

讀明人詩

詩爲天地聲轉移原不偶盛衰正變間當亡握其紐有
明三百載著作如山阜青田劉基與青邱高啟海上鐘
初叩流風襲亡元微惜習尙狃永樂矜臺閣陳陳盡窠
臼轉眼時勢移祇堪取覆缶卓哉茶陵翁李東陽賓之一方

掃陳朽用能開嘉隆七子分前後就中誰巨擘李北地
空信陽何景稱大手高叔徐與王世貞李攀龍亦
同明大復

非餘子耦惜皆失平和才大學不厚或麤如壯夫或愁如思婦或附如應聲或襲如畫狗况復戰元黃蜀洛紛

雜揉競作變徵聲豈宜盛世有下逮宏袁道與鍾淫蛙

喧澤藪雖有陳黃門子龍江河已下走古來右文主愛士

歌薪禰明祖創始基殺賢如去莠伯巨庾犴牢何異比

干剖夏祥斃棒箠廷杖實倡首詩人方蔚興乃自封其

葑高徐張楊輩幾人終戶牖以故奕禩君同此家法守

猜暴與昏庸凶德備諸醜權奸接迹興善類肆擊培當

時多士心渾如困枷桎中惟仁與宣一時稱令后金瓜

戕諍臣李時勉荷校戒酒酒嚴愷待士如草芥士亦如蒲

滄粟庵詩鈔

卷一

五

柳其中豪傑儔忍尤復含垢所以爲詩歌愁亂相結糾
在朝憤姦奄在野悲陽九朝無卷阿音野無擊壤叟鬱
轆長不伸何能調手口我朝聖人作掃穢運神帚黼
黻潤皇猷元音夏瓊玖此關世運殊勿爲明賢咎

送張心艇先生之官嶺南

天上火雲一萬里日照千山山氣紫茫茫大地燒乾晴

獨客長征行未已方君入門慘不聲解衣揮汗如雨傾

去家百里憊已甚何日可抵珠江城我聞君言發長慨

似君才調復誰逮繁星兩鬢白髮多瘴海一官去慷慨

我云君莫嗟尤賤鹽莢需才主權算漫將險遠弔昌黎

好藉牢盆學劉晏况乎嶺南名勝超人寰此遊大足開襟顏尉佗城古控南極小海大海波迴環羅南浮北窟仙眷蟹兒珠女搖花鬢萬片紅霞木綿樹滿城香雨荔支灣君愛豪遊遊不足半世舟車紛粟六天教垂老赴南溟越王臺上逞遊目昔我萍蹤滯穗垣一時縞紵來

諸賢道廣太邱羈下吏

陳理齋鼎

仙才長吉猶青年

李潤堂宗鴻

諸賢今已各秦越二子風流交可結得君益友成三人舉杯快洗窮愁骨山川佳麗娛向禽洋洋流水鳴牙琴似君作吏得如此足陋廊廟蚩山林獨是綿綿苦長道十丈塵飛增熱惱我今把袂送君行忽笑書生見何小

滄粟庵詩鈔

卷一

五

君家東海上作宦南海濱一水相通無阻越羊城直在君家門何不乘風破浪走萬里笑鞭鰲背攀鯨鱗船舶風高祇十日管教躡足白雲山頂看白雲

白雲山在羊城西門外

記得

記得蓮輿簇絳霞旃檀香裏別兒家天街輦繡來簫鼓春到櫻桃一徑斜

萬里迢遙結鳳鸞雙星欲度鵲橋難要知不肯相孤意風雨單衾七載寒

桃花一樹恰當門前度劉郎欲斷魂我有傷心忘不得襟衫留著舊號痕

事姑未逮恨終天佳婦偏無慈母憐爲感倚閨凝望意
深閨縞素已三年

玉堂春共洞房濃清福如何想倖逢但惜畫眉一枝筆
不能親寫紫泥封

時正乙未
下第後

我慕乘風破浪才壯遊曾看嶺頭梅閨中人更誇奇賞
洱海蒼山放眼來

簪花小格寫唐音薄有詩情醞蕙心卻恐檀郎來索句
寂無人處一微吟

晚涼恰好日斜曛偶爾臨風掠鬢雲寒上玉釵慵不起
禁人憐煞病三分

滄粟庵詩鈔

卷一

美

金釵手置列廂東纔是儂來百日中爲欲佯瞋試郎笑
薄羞早暈頰雙紅

鴛盟早已訂三生譜入新詞句不成記取今宵酬唱意
百年常聽此和鳴

七月一日病中有感

商聲遙動白蘋洲暝色蒼然淡不收夢裏心情疑作客
病中天氣易成秋豪情漸與花同減遠意還憑雁寫愁
回首鱸魚風漸起要同王粲賦登樓

有感

士方處田間悲歌徒仰屋每歎無人知懷才慙下伏一

朝際盛時特達膺天祿韋布更綺紈易粱肉牛生
混漁樵今幸謝林谷出門逢故人乃謂羨耕牧

旣言農牧好所志在隱淪幸以微罪去豈復戀緇塵胡
乃登白簡俯首氣不伸行吟發幽怨慷慨歌靈均坐令
巖夫子含笑桐江濱

初五日得女

誰將片瓦溷靈胎賺煞維熊夢幾回賀慰兩難好情味
當年曾中副車來

七夕有感

雲微月瘦作秋寒指點雙星夜未殘舊夢不堪重記憶

滄粟庵詩鈔

卷一

三

素馨棚下玉闌干

素馨云云前
室七夕句也

釵合塵封幾度秋當年悔殺賦離愁余在粵時有七月
先自北歸之議後
不果 祇今耿耿銀河水賸有天孫淚共流

初八日寅刻立秋感牛女事賦此

桐飄片葉火西流此夕銀河渡女牛剛抱歡悰偏易曉
纔傾別淚已成秋霎時人欲歌金井高處寒應滿玉樓
從此天風漸搖落鵲橋歸去總離愁

李夫人歌

鶴鶴叫月聲不止複帳風淒美人死恨不逢人如少翁
不將姍影來深宮深宮不可見何處春風面欲往從之

西溪濱六橋煙雨愁殺人

過劉問枚村居

小院不聞語通幽一徑斜綠陰風約樹紅陣雨鑿花室
靜遲寒箔煙霏趁試茶何人發奇賞窗內笑聲華

獨坐

暮色下庭樹涼風吹薜蘿苔深知客少人靜覺秋多扶
病惟詩酒居閒卽軸邁他年苦塵鞅能不夢煙蓑

村齋卽景

畫堂過微雨波澄光欲靜短蓼紅未花蕭蕭作疎冷我
夢菰蘆鄉江天澹秋影

滄粟庵詩鈔

卷一

天

薜荔盤結屈宛似蒼龍馴飛動挾風雨萬片張青鱗覆
門作古洞來護琅嬛雲

雙柳漾碧雲紅橋時出沒我愛池中蓮倚闌勝林樾安
用唱江南揚州此明月

夕靄散蓮塘落暉淡蘿逕石罅瀉寒玉泠泠滿清聽逸
響誰與儔吟蟬赴秋暝

綠幄張四圍森沈結清境窳地下湘筠橫窗午陰靜恍
有青翠來萬山送虛影

中庭列巨甕但貯澂泓水蓄魚苦拘攣蓄蓮苦泥滓湛
然萬念空天光淨如洗

攜來一片石凹凸殊瓏玲苔蘚積老碧恍挹千峯青一
卷匪云小我有山之情

插籬不種菊種菊心苦忙我方耽幽寂轉恐三徑荒秋
來買一擔霜色輝重陽

錦鱗一二寸鳳尾而龍睛唼唼戲蓮葉荇藻青縱橫化
機足自息何用遊南溟

陂塘來晚風涼意殊料峭閨闈喧鳴蛙鼓吹伴孤嘯爲
官與爲私癡語具禪妙

病吟

數畝蝸廬手自營蕭然聊此寄浮生一天風雨成秋感
滄粟庵詩鈔

卷一

无

二月鶯花憶舊盟未到極貧終有累不能學佛爲多情
連朝卻喜纒微恙丈室差無俗慮榮

和舅祖吳勺山先生端陽日偶成元韻

石榴紅映晚霞飛幸得花前奉霽暉宦轍煩將先世數
談次爲道先伯祖

先祖出山始事

書燈許共穉孫圍爲酬令節傳蒲笋

恰有新涼澣芰衣滾滾征塵人欲去

時立亭表叔揀發
河南翌日卽啟程

一綸應念子陵磯

滄粟庵詩鈔卷二

滄州葉圭書芸士

狂歌

一片茫茫地一片青青天中有種種蠕動物蜂屯蟻聚
萬億千百團諸種之中有一種如禽如獸如蟲如介而
獨能言此亦一物存兩間不知古來是誰好事而以人
名焉自有食而使之水與火自有皮而使之衣與冠聚
不知誰何之人而命之曰眷屬取大公無私之事而限
之以姻緣從此矯揉造作踵相接兵農禮樂一一興便
蕃人生萬事皆後起獨有呱呱一嘍啞啞一笑爲天然
滄粟庵詩鈔

卷二

一

不能於此導本性而乃科條名目相糾纏本無法也何
有犯本無令也何有干立法設令誘之使入窞又從而
張其禁而繩其愆無中生有實自擾遂謂刑罰教化經
濟皆微權更有伏羲老子惡作劇亂塗六畫垂諸篇不
知當日偶記何數目致使千秋萬古閉目搖首窮鑽研
頭童齒豁寢食廢問誰跳出太極圈因是遂爲文字祖
六經之後多簡編考據之文徒獺祭論議之文祇唾殘
詩爲心聲接風雅作者歷歷唐宋元偶見一花聒不已
偶逢一鳥嘖有煩身心性命底關繫而乃詫爲盛業千
秋傳經濟如彼殊足鄙文章如此亦可憐孜孜矻矻勞

未已忽有泰山主者來邀攀我大不幸廁人類多方束
縛身拘牽不爲羽毛鱗介伏山谷乃使齷齪相顛連我
願棄此七尺去蕩然化作風中烟排空御氣覓取盤古
老魂魄與之游戲鴻濛前

感舊一百韻

秋士當秋夜秋心忽自憐羅幃愁暝枕錦瑟憶摧絃大

父開藩日

嘉慶庚辰先祖擢浙東
卽攝藩篆是冬余至杭

臨安視膳年風姿誇

濯濯寤寐思綿綿南國來妹子西泠泛畫船容儀稱碧

玉家世湖青蓮

李香浦爲衢州觀
察內子叔祖也

半載蘇閩住三衢使

署旋葭苧今始接蘿葛便相牽鳴鳳占祥簪牽牛納聘

滄粟庵詩鈔

卷二

二

錢銀潢原咫尺瓊樹仁交連一旦來

中官全家侍內遷

壬午二月先祖奉
得廕赴部是年鄉試後卽返里

旨內補余亦求

官温嶠去待禮季隗賢珠海人歸粵金臺客在燕棘闈

時蟻戰栗里竟蝸蛭夏永憎涼簟冬闌怯冷氊百程悲

驛路八度換星躔大阮游思壯中元吉日蠲

家叔攜余
赴粵七月

十五日啟程
時戊子歲也

桐柯吹颯爽枌社苦佃積潦埋雙轂衝

泥走一鞭吳娃方鼓樾越女又鳴舫楓已江頭落梅初

嶺上妍

十月中旬
抵羊城

羊城欣蒞止雉堞望騰騫第宅紆槐

巷門楣炳蕙櫨冰銜森列宿玉茗重臨川

李氏本籍臨
川爲兩廣

商秋屏先生昆弟
爲部郎者四人

報國資禹莢通商筦利權登龍方有

託奠雁合申虔詎料重閨質偏嬰二豎纏侵尋喧臘鼓

潦草迓芳駟

十二月十日成婚

杳合惟嘗藥牢同僅啜餽祈神

勤設醮驅鬼屢儼祇

粵中求神禱病謂之問杯巫爲之

轉律歲更始微

和風乍扇折肱良藝奏脫體積疴痊償願諧神管新妝

賁寶鈿旣拋身苑結乃煥貌澄鮮岫遠眉橫黛雲輕髮

有鬢粉光香雪醜脂色晚霞薦繡果推奇技談真擅秘

詮

繡談內子閨字

嘉名良不愧闢教本無愆誠向曹家懍經從

伏老研衣惟珍薄穀飾弗貴明蟻漏盡排箴管燈挑伴

紡甄性情原皎潔才調更嬋娟雅頌咨匡鼎蟲魚紀陸

佃訓郎賚短什懷妹寄長篇潑墨湘裙浣拈毫彩袖擅

滄粟庵詩鈔

卷二

三

雕籠調翡翠小架試鞦韆悅設春纜半

二月十五日丙子誕生

弦

開月正圓共浮青雀舫閒踏素馨田綠羽釵栖鳳朱繩

紙放鳶停帆番舶下策杖越臺巔樓迴梯登五巖高佛

數千

五層樓在越秀山側越秀山卽越王臺向有千佛巖今無矣

行遊情孔洽排日

翼同翩蟾鏡今生合鴛絲夙世聯懽悰連夢寐眷屬豔

神仙極樂推佳邁難常是盛筵客懷恒渺渺歸志忽拳

拳條又桃符易誰甘梓里捐驪駒歌席上鷓首買河邊

庚寅二月自粵起程

戀母心雖切從夫義自專攀枝怨楊柳把袂

贈蘭荃呼婦鳩聲迫離娘草意芊白雲峯縹緲英峽浪

洄漩韶石俄飛渡章江復溯沿家鄉新涕淚山水舊因

緣夾岸春娛目推篷笑上顰匡廬看巖業嚴瀨聽潺湲
甫幸憂能減何圖運遇適蒼生心早拔劍褪骨尤孱霧
露皆爲虐參苓莫拯癘三月二十二日舟泊嚴陵灘是夜始病古杭城隱

約雄鎮市喧闐

賃屋在杭城之雄鎮樓

扶病登輿竹僑身假屋椽

窗虛螢熠燿階冷蠋蛸素綬徒施砭靈氛罷索尊血
都凝蠟淚氣欲結鸞咽古店寒荒地殘更黯淡天帳空
迷化蝶樹黑慘嗚鵲極口頻相喚香魂竟不還明明看

在抱冉冉痛長眠

四月十六日寅時卒

設奠羅櫻筍陳羹薦鮒編

懺僧喧梵唄輦輦旛載輓休濡迹同舟儼並肩凌
波仍桂楫卽陸又花驍來去何同異悲歡一倒顛榴開

滄粟庵詩鈔

卷二

四

瞻里野麥秀認鄉屨

五月初旬抵家

子舍身原在親闈眼早穿

營齋還未忍障幔尚思蹇積孽諸孤重奇灾慈妣延於
時謀兆域借爾葬瀧阡

甲午之冬隨先母葬於祖塋

往事思如昨流

陰逝已遄開匳餘斷線啟笥零箋緬想遺言屬追維
畫象懸意消三竺雨腸斷六橋煙回首懷孤婺傷心嫁

婉嬋相攸期孔樂送別泣如漣癡矣言歸盼悲哉惡耗

傳昨來書款款

岳母趙氏頻有書問

益我恨悵悵亂緒紛抽繭酸

吟疎曳蟬嗟余眞負汝從後怕思前但抱潘生戚難逃
莊叟禪長言歎搖落誰與寄重泉

苦旱

鬱彼田中苗盈盈穠欲吐老農望之奢欣然賀田主持
此驗歲收難可計鍾誦詎意人所期彼蒼弗佑汝旱魃
鼓炎颯赫焉馭下土狂飈驅龍公淫威走電姥庚伏已
歷三百日無滴雨枯苗如亂柴萎葉類敗縷田祖饜豚
蹠村巫憊簫鼓片雲起天末翹然萬頭舉俄而衆竅號
風來苦抵拒織翳倏已空乾晴燒尺五若更涉經旬赤
地靡所取民欲天必從於今何異古吾鄉迤而東接壤
爲齊魯昨有飢鴻來林林難指數薄笨載鍋勺筐篚肩
子女幾輩過我門涕泣相告語云自三四月商羊靜不
舞二麥旣歉收秋稼鮮禾黍人心已皇皇靡所控辛苦

滄粟庵詩鈔

卷二

五

復有新官來政苛猛似虎今春澁水變渠惡伏鎖斧當
事慮孽遺紛紛摻黨羽一人偶罣牽逮治延數戶謀食
已自艱况乃坐囹圄聞言惻我心長歎膺屢拊頗憶壬
辰秋視今旱猶愈囂然挺耒鉏白晝肆劫虜今更設網
羅驅逼類鳥鼠鹿走不擇音遑復恤死所除惡淨根株
於國豈無補何不畧寬延稍待民安堵持此將告誰杜
母與召父

急雨

坐看濃雲掩碧空耳根忽地走靈霞亂塵高捲風頭黑
落日斜穿雨腳紅旋見遙天懸斷霓可能中澤拯哀鴻

空齋有客愁無寐且喜今宵解蘊隆

喜雨

曉起睨晴空高高懸紺碧大旱望甘霖甘霖渺何迹過
午來涼颺颯然入絺綌烏雲三面升驕陽忽欲匿有龍
挂遙天蜿蜒色如墨亂塵塞空飛沖天氣黃黑旱魃乘
炎颯與雲相軋厄危哉雲中君進尋退反尺雨師勢欲
下一作復一息旱魃逞淫威苦欲奪紅魄百萬鶴鵝軍
相持漸不敵歎有聲震天奮迅飛霹靂雲車走洶湧一
霎如覆罨天地忽混同茫茫成一白雨點漫天來懸流
下瓴脊有似匡廬峯飛瀑挂絕壁有似錢塘潮束縛勢

滄粟庵詩鈔

卷二

六

逾急老屋似扁舟風濤任顛擲危樓似孤島出沒鎮掩
抑道路與溝渠洪流浮拍拍直至戌亥交簷階猶浙瀝
萬口噤不聲但以手加額晨興觀良苗謹呼連巷陌惜
乎沛澤施祇在東南北西鄰村四五所獲但涓滴我苗
已勃興彼稼尙枯瘠今已歷數朝乾晴一似昔唇齒本
同愛炎熇况相迫旱魃煽酷虐千里地爲赤上天閔衆
生赫然命誅殛所志盡掃除一舉罪人得胡乃張天威
僅使稍避席相去纔數里依然肆凶逆帝德無黨偏詎
復限方域得毋風霆司心怵虎威積驅之俾竄逃姑用

塞吾責

荒齋

荒齋聊復事居稽暫得蕭閒勝隱棲爲避俗甜耽苦茗
別成風味稱酸壘藥名未識翻多病詩興徒豪恨少題
最是秋心禁不得夜來魂斷五更雞

過問枚棠村夜坐

豆棚風薦爽相伴坐匡牀興劇談聲健情多默越長天
光經雨碧月影入秋涼此夕成三益何愁陶徑荒

秋意

蕭蕭槭槭水邊樓竹簟羅紈次第收一夜蛩聲聽不得
雨絲風片已成秋

滄粟庵詩鈔

卷二

七

答吳馥秋先生

馥秋名熙錢塘人爲直隸鹽山縣羊兒莊巡檢

余爲海上之行晤馥秋於旅舍談笑甚懽別後
見贈四律并以詩藁寄示余因賦此爲答馥秋
負異才沈淪簿尉三十年今頽然老矣

我欲觀海一豁雙青瞳中途邂逅逢吾公已足滌蕩萬
古胸不須更眺海雲紅叩君學問源異同有如百川萬
瀆歸朝宗縱談古今得失事始終有如惶惑掩過千魚
龍移情何用調絲桐早如伯牙坐對濤洶洶惜乎分手
何怱怱鼯鼠一飲腹未充歸來不覺纏思悰傳書凝盼
海上鴻果然朵雲來遠空長城五字獎借隆復有詩卷

一束豐展讀殊訝波瀾洪清如澄泓萬里磨青銅皎如
扶桑四照光曠曠潔如海月初吐圓玲瓏變如銀臺貝
闕幻化不可窮乃更細流不擇持謙沖猥以屬和邀楚
蒙我思先生卅載浮沈簿書叢驚濤駭浪曾折衝負舟
積水水力雄尾閭納氣氣似虹不能鯤化摩蒼穹一官
匏繫如飄蓬結鄰喜傍馮夷宮尋盟開問沙鷗蹤烟波
滿地一漁翁何心破浪乘長風是真包涵萬象歸渾融
滄溟收入一粟中自維蠡測類瞽矇賦筆殊愧元虛工
聊將涓滴酬淵衷細甚詎足歌颯颯願君招手邀我蓬
萊宮莫似方壺圓嶠不與塵凡通

滄粟庵詩鈔

卷二

八

夜起

中夜不成寐披衣起倚闌秋聲悲永叔熱夢謝邯鄲疏
箔篩花影新苔浸月寒詩情在何許不著一塵難

秋夜

耿耿初長夜淒涼已若斯亂愁孤枕共寒夢一牀支將
曙雞聲緊入秋蟲語癡幾般清籟發總似訴相思

有感示諸弟

先人創遺業禾黍環做廬場來逼憂患片片割膏腴十
年忽如夢頓有貧富殊富亦不自覺惟覺無所需貧亦
不自覺漸覺親戚疎親戚非故疎有辭相咎予昔謂我

爽直今乃稱淺夫昔謂我謙謹今乃笑迂儒昔謂我豪
放今乃詈狂且昔謂我儉樸今乃譏慳奴諸弟尤善謔
雜選調秋胡風流邀衆賞所至紛胡盧今頗邁羣吠衆
口憎冤誣時勢有變易毀譽有乘除雖復尊有酒殊怪
門無車一身積尤怨所慮吾德孤旣乃啞其笑笑我一
何愚我自有兄弟我自有妻孥足以爲師友足以相喁
于几案富書史水木嬉禽魚於心無不足於物自有餘
頽然適天放遇者皆吾徒秋墳嘯羣鬼安用相揶揄

觀劉問枚西湖圖

高秋雨後涼陰積起尋好友開胸臆拳簾忽訝青濛濛

滄粟庵詩鈔

卷二

九

水影嵐光眼前逼鴉溪絹素寫西湖蒼翠淋漓障猶溼
六橋三竺古洞天何時飛上君家壁凝矚益覺畫筆工
纖毫刻劃何冲容縱橫量去僅三尺回環萬朵青芙蓉
層霄矗立雙高峯明湖十里波溶溶長橋曲隄備曲折
亭臺塔寺尤玲瓏全湖四面無滴漏寫從南北兼西東
吳山左控鎮闡闡胥潮右帶噴魚龍蠅頭一一署名字
瞭然大勢存諸胸昔我作客西冷畔命儔排日窮遊宴
雨載猶憐羈俗紛窗谷幽崖探未遍今日披尋靡不周
西湖全勝望中收一似聳身碧天外下視歷歷歸雙眸
此圖作自乾隆季翠華六度供宸遊山靈水仙競獻媚

璀璨金碧輝澄流湖山千載遘嘉會足使錢鏐趙構皆
含羞我曩遊時稍彫剝切切緬想時巡秋今番展卷睹
雄勝不啻追隨天仗承黻旒嗟余踰伏滄江曲多年未
逞看山足何期仲蔚蓬蒿中供我臥遊張此幅西風邇
日正蕭森遙想平湖漲秋綠烏柏丹楓罨嶂螺紅菱紫
芡縈波縠無緣覓取鴨背船金沙港裏餐金粟便呼主
人坼糞泥我對青山飲千斛醉來忽覺愁續紛此間曾
憶賦招魂荒郵古驛悲羈旅斷雨零風哭美人君不見
小青墳畔棠梨樹猶是當年紅淚痕

村外晚立

滄粟庵詩鈔

卷二

十

落照下叢薄蒼然暮色涵溼煙團暝綠纖月破晴藍燈
影溪邊屋鐘聲林外庵何人發樵唱隱隱隔村南

櫻桃八月開喜賦

玉簪低亞海棠嬌金粟繽紛桂樹高如許秋容使春妒
涼蟾影裏放櫻桃

秋夜不寐憶庚寅年自粵歸時情事感成二律

憶返珠江棹傷秋感百病亦知皆夢耳無計奈情何伴
弟兄眠晚憐兒母笑多至今付追想惟有淚滂沱

殘燭忽然淚宵長燄欲流不知書在眼強使壁支頭
余恆不就枕倚壁觀
早歲春何處前生債是愁有懷徒輾轉
書輒至漏盡

數盡五更籌

夜雨

急響破秋夢中宵入茜紗溼雲屯徑黑涼雨逼燈斜頹緒傷搖落繁音入參朶如何孤枕上總覺似天涯

李實夫招看大王花花白色微香碧蒂金莖大如

茗椀花無他異名實創聞實夫索詩卽席賦此一宵吹遍大王風奇卉初開桂圃中色謝鉛華歸淡雅名從粉黛識英雄金莖合共盤承露玉影如懸鏡在空天遣琪花伴仙李相看值得醉顏紅

八月初九夜憶三姪著園

時在秋闈

滄粟庵詩鈔

卷二

七

明遠樓前月漸明阿咸此際氣崢嶸一家期望孤身屬今歲秋試者只著園一人三載辛劬片刻爭文字不妨青眼待功名須要黑頭成應蚩癡叔春來事花樣時新學未精

題吳馥秋熙寄巢偶記卽以代柬

我聞古巢父世網無由羈吾友延陵季匏繫海之湄老屋蝕風雨破壁窺狐狸終歲苦塵障絕無花柳姿市腥列魚蛤潮惡鳴蛟螭所巢乃如此所寄良可知君云吾寄者所以寄吾思吾思無不到吾巢靡不宜圖書渺淵

海金石摻鼎彝

君博學工詩尤精篆籀

此中有奇境是吾心所栖

於焉寄寢饋著述恆紛披寄巢雖復小會與名山齊區

區洗耳者安足相追隨

寄巢所著書理窟探勃萃更作小記述聊當陳言說我
今取讀之頓使心懽悅人爲萬物靈精神時煥發豪傑
能自傳文采照日月下逮凡衆儔靈氣未全泯或詩賦
數篇或歌謠一闕當其觸天倪往往造精絕獨惜廢輶
軒無人勤採擷隻爪與片鱗坐使多淪滅寄巢有心人
所至收散軼胸羅百氏言手持萬枝筆譬猶淘泥沙零
星取金屑異日太史陳安能舍此帙一代備風詩粲然
大雅列何意寄巢中有此瑰奇烈

賤子忝清裔弱冠觀羣書志欲有所就老大仍紛如窮
滄粟庵詩鈔

卷二

三

巷寡師範佞知何趨喜今咫尺地幸得逢真儒願言
侍隅座晨夕奉楷模惜哉僅一面情密迹何疏海天渺
秋水不見雙鯉魚此編聊復對長使心踟躕

乞友人花

花栽鄰宅賞何難偏欲移來七寶闌好友常思終日對
美人祇愛自家看乍教松徑涼雲滅卻趁蓬廬暮雨寒
短髮奚奴好腰腳一肩秋色露華溥

早行

禾黍秋風道清光帶曉痕露溥明淺草煙盡出孤村雀
舞鳴鐘寺帘空賣酒門柳梢紅一抹高處上朝暾

早途野飯

溪畔數間屋青帘出一竿支簷槐幹古補壁豆花殘野
老陪清話明霞入曉餐陶然成醉飽忽覺怯雕鞍

喜陳羽秋自南昌至兼得印山長兄書

磊落嶽奇概歸來益不侔雄心廬阜壯奇氣大江流話
盡經年恨攜交兩地愁

話家叔署中及
家兄途中事

雙魚勞遠寄幸

得緩離憂

懷王叔皮師

絕妙屠龍手奇窮磨蠍身困能融意氣老更足精神與
我成眞賞相期在古人年來嗟負負歷碌汨風塵

滄粟庵詩鈔

卷二

三

寄呈叔皮夫子

崎嶇三十載身世尙悠悠作賦悲王粲論年過馬周詎
猶爭一第應自計千秋著述名山在傳人今得不

去年九月六日送印山家兄於連窩驛登舟今年

此日又至連窩感舊書懷率成一律

萬里送人去今年復此行暮雲望不盡秋雁又南征柳
認攀枝處河餘恨別聲重尋挂帆地沙岸比前平

泊頭旅店後窗濱河宿此有作

渡口人聲息沸騰卧聽打槳滅寒燈記曾風雨孤篷夜

一枕殘鐘過廣陵

峩峩汴梁城締造始藝祖幾載戰中原版圖納天府尺
寸不可失大宋此疆土如何金人來不復相抵拒泥馬
走江南齷齪同孱主甘作小朝廷畫地揮玉斧土地與
人民猶可時棄取咄哉諸帝陵忍令淪胡虜若云避寇
鋒終當圖後舉不應圍偏安兒皇名自署列聖爲羈魂
諸陵爲敗堵雖有修復名無能庇風雨異日髡奴來鋤
鉏肆毒苦可憐冬青枝夜夜唳杜宇

馮口夜渡

夜半絕人籟驅車渡口停估船依斷岸漁火亂遙星寒

滄粟庵詩鈔

卷二

古

犬前林吠疏鐘遠寺聽呼舟猶未起曙色漸溟溟

得陳蓮史方伯

繼昌

秋疾歸里之信至泊鎮候之

船已過二日矣賦此卻寄

纔聞移疾駐京華

聞得請後卽由保定入都

豈料長浮萬里槎匹馬

正思趨日下片帆忽已渺天涯詎愁吾輩艱重會未識

幽憂可漸差記得橫山村畔路

橫山蓮史所居村名在桂林府城西

安排

好夢到君家

晚步

枯藜扶我陟平岡差喜園林未隕霜菜圃碧圍雙轆井

棗簾紅上百家房

吾鄉多棗皆於房上曬之故房多平

曬棗之箔俗謂之棗簾一聲

斷鴈涼秋宇幾隊歸鴉赴夕陽白莧紫茄親摘取歸來
晚飯試新粱

贈李雪香先生 慶鑾

蕭然琴劍寄吟身老坐枯禪寂寞濱萬軸煙雲環大隱

君弄名畫甚富一家風味享清貧詩能傳世何嫌少 君尤精試帖足以津

逮後學近選交到忘年始見真知道名山藏甚富可容

忝附校讐人

晚步訪問枚

訪友二三里支藜踏晚曛一村紅背日千樹綠封雲巷

曲歸牛識門扃吠犬聞主人呼不應合是入微醺

滄粟庵詩鈔

卷二

五

大風枕上口占

殘月忽如墮一燈搖不紅虎蹲池上石龍嘯竹梢風萬

騎軍聲裏孤篷海颶中昔年界山驛匹馬泣途窮 戊子歲南

遊至山東界山驛夜遇大風人馬俱相失

寄懷吳馥秋

我有忘年友翹然大雅林書叢容吏隱海氣壯詩心風

雨重陽近蒹葭秋水深懷人人不見空拂七絃琴

喜吳墨農表叔至

竟日無人到徐參寂寞禪空庭淒冷雨老屋暝秋煙以
此寄孤悶蘧然成小眠聞君一相喚疑是夢魂邊

九月廿五日墨農表叔見過盤桓三日始返後數

日乞君齋中所蓄菊花賦此代柬兼訊李君礪

瓠

將寒未寒風已邁欲雨不雨天如愁老苦銷徑渺人迹
掩關似卧空山秋懷人正爾抱孤悶闐然有客鏗簾鉤
君來使我大愉快登時如上元龍樓聞君挾策赴京兆
一聲康了先生休歸來不復耐城市腰鎌督穫來西疇

君居別業收稼

別君忽忽二百日思心往復空綢繆今夕何夕

一握手紛紜諧劇相賫酬便泥主人治脫粟紫茄白苧
家園求長檐列瓮貯苦醪紅泥親坵浮清甌有酒一爲

滄粟庵詩鈔

卷二

十六

知己醉斯樂直欲無爽鳩人生得此亦自足雞蟲得失
皆浮漚所嗟懽會不可久僅得三日巾車留君家菊花

滿三徑一庭秋色明雙眸此去寒衣坐籬畔陶然如與

淵明遊况有詩仙住西郭

礪居西城

青蓮長吉眞其儔一

紙招邀醉排日詩篇輝映千琅球惜哉賤子棲鄉甌百
里亦復嗟阻修自君歸去寂益甚荒村落葉門庭幽黃

花數朵不稱意對之益覺增離憂急遣奚奴具畚鍤乞
花竊願同車裘窗前分寄各三五頓教霜豔輝林邱連

日詩酒兩無興花來定欲飛觥籌觸目都成好詩境枯
腸準備珊瑚收寄語尋詩醋瓮客

礪見和詩有祇餘醋瓮尋詩癖消遣年

華自點
頭之句尋詩盡訪吾齋頭

村東禪院

卜居在平原到此忽起伏迤邐得小岡兀然類巖壑上
有祇林園四圍環衆木破牆出老槐寺有老槐二百餘年物也枝柯
盤結曲涼蔭覆大溪碧漪響鳴玉徐踏晚曛來煙蘿滯
遊躅落葉掩禪關餘霞絢波縠臨流恣吟眺孤筇倚寒
綠溪南橫白雲儼如山斷續園水瀉斷崖恍若下飛瀑
以我意無窮補此地不足何必終南山方是真邁軸

雨夜懷馥秋

海風從東來蕭蕭吹作雨清響滴空階如對幽人語幽

滄粟庵詩鈔

卷二

七

人復誰屬延陵吾舊侶躑躅東海湄子然寡儔伍三年
失歡會離思積如許抱琴懷成連波濤長間阻况復唱
淋鈴聲聲淒肺腑何當化片雲隨風歸海渚與坐雨聲
中共攄相憶苦

聞表兄王一樵將爲江浙之遊賦此送別

如此豪情怯遠遊江山奇氣倩誰收有才似子今猶屈
此筆云何久未投俠骨詎愁長作客壯懷原許覓封侯
茫茫湖海前頭路或有元龍百尺樓

送君一棹去江關回首萍蹤舊往還

君擬由杭州抵江西之廣豐二處皆

余舊經地鴛夢難圓湖上月

余娶於粵歸至杭州荆婦病歿驪歌長繞越西

山廣豐在浙之西界爲家叔所宰今看白舫烏篷去恍

對丹楓紫柏間一樣離筵歌惜別此行難得是清閒

出門我正怯雕鞍聞說君行意倍酸余方擬謁選北上月好詎

愁千里隔花飛重聚一枝難吾曹豈合鄉間老前路其

如雨雪寒且自高吟過江去問誰先拆錦囊看

題表兄王侶樵新居卽賀得子

閒身何處築菟裘咫尺吾廬詎遠求栗里依然松菊好
柴關喜得水雲幽無山可買居非隱有畫長看臥亦遊
聞說充閭兒始誕楹書千卷好藏留

雨後

滄粟庵詩鈔

卷二

六

歸雲倏分合時暗復時明急雨忽然至遠村還獨晴樹
深殘滴聚溪小亂流爭漸覺暝煙起鳴蛙處處聲

秋吟

流光荏苒疾於梭三十三年祇剎那世事能傳千古少
親人漸覺九原多惜陰且自勤陶甃返日偏難覓魯戈
卻笑重瞳雕不逝喑鳴叱咤待如何

骨肉頻年異地分音塵杳杳久無聞江鄉魂斷鱸魚夢
蠻徼官尊犴鳥羣佳興何人賚北里離心一路逐南雲
便追祖述鞭絲去兩地商量念又紛

苔深花落夜蛩鳴頓覺茫茫舊緒縈如苦行僧除愛業

有酸心事怕秋聲百年眷屬生離恨萬里天涯死別情
懊惱今宵風更雨可堪迴首武林城

欲行且止自商量遊子依然滯故鄉豈果塞翁愁失馬
最難歧路決亡羊謀餐幼弟荒書史沽酒嬌妻典嫁裳
漫道雞蟲關許事爲他兩鬢點輕霜

那知此役太遷延劣緒紛紛又一年已使羊公羞舞鶴
難容劉勝隱寒蟬空懷太上無懷氏暫住人間不住天
聊向西風作秋語一回吟罷一淒然

題齊河女史郝秋岩詩集

體格能追初盛時五言陶謝得心師生年若並徐都講

滄粟庵詩鈔

卷二

九

定附西河一卷詩

山陰女史徐昭華詩一卷附西河集

鄰壤相連東海涓閩才豔絕有如斯慈親廿載晚香閣

雨苦風酸兩未知

先慈著有晚香閣詩一卷

輓劉穎思鎮軍

羽林軍將簡從征楚蜀秦疆次第行壯氣每於垂敗奮

奇功多在極危成會憑三箭摧強敵

公在五塊石率病兵數十騎猝遇大

股賊萬餘公坐半山發三矢三

間走孤軍擣夜營

公初入營

即自請劫

賊寨大捷轉眼偏裨躋大帥原來血戰早知名

妖氛淨掃絕纖埃屹屹西京幕府開敢恃主恩輕俗吏

不教文法束通才

總督某嫉之以將備不和勅降

大藤盜起潢中盛

西都司境內巨盜以次勤平 細柳軍辭灞上來漫以謫官嗟遠道

帝資福將靖南陔

南陌東阡杖一枝十年林下見風期功羞自伐常緘口

同人每欲聞公勞績就詢之多忘懷書未曾攻獨好詩公晚歲好爲五七言句輒多偉語

二子成名歸老日公子問枚孝廉棠村干戎皆公歸田後成名千秋論定及

身時前年國史館咨查公官階勞績立傳超然便動離塵念箕尾遙遙正

下垂

方擬耆英會洛陽遙天忽報隕星芒身存猶使邊疆重
名在常爲戚里光公意自無遺憾抱人心殊慟老成亡
况余知己平生感爭制羊曇淚數行

滄粟庵詩鈔

卷二

三

題李實夫壙

表聖築生壙高風動林壑後人慕效之投老託戲謔實
夫少年子始冠齒猶弱春柳姿盈盈新劍芒作上奉
椿與萱下聯花與萼築壙理未宜况以名假託夫何斗
室營形乃同穴鑿顏之曰壙空聞者大錯愕君乃啞其
笑吾意良不惡死者人所歸無殊舊鄉郭人生客千里
歸夢苦纏縛每思夙所居一齋或一閣儻借以自隨差
堪娛落寞此情人所同老少總相若我今奉二親人間
修尊爵言念道山途茫茫無後約聊於逆旅中一椽勤
獲聖生壙生不居毋乃隔皮膜取以作吾廬行窩共安

樂詎思狐正邱姑效燕巢葉子方幽憂聞言大歡噓
願與爲比鄰同作一邱貉薤露恣狂吟絮雞供大嚼第
恐百歲後破屋難棄卻樂此不思蜀長負歸歎諾

贈陳羽秋卽柬穆默人

羽秋壯士也飢走數千里泝九江抵豫章所志
輒不就境益窮抵家三日得嘔血疾潦倒牀榻
氣餒甚羽秋生三十年食貧居賤何負於造物
徒以負氣磊落蒼蒼者遂欲阨軋之斯非不平
之事耶憤惋難默乃爲變徵之聲以鼓羽秋之

氣以壯默人之膽

滄粟庵詩鈔

卷二

三

天意欲殺汝置汝榛與荆使汝顛且蹶乃快造物情汝
顧肆倔強攘臂與之爭方欲微賤汝汝乃謀請纓方欲
貧困汝汝乃貨殖營踉蹌數千里坎壈隨足生所志旣
不就掉首思躬耕歸來事大變高岸降爲陵進退靡所
據悲來仰天鳴奇氣洞肝肺怒血噴縱橫此時造物意
謂汝竟何能勸汝自努力莫使徒崢嶸醒齷二豎子豈
能困豪英我友穆默人爲汝心不平誓憑刀圭力與天
相抗衡我亦訴東嶽坐罍主者名汝儻見勾牒奮拳揮
使行况有老廉頗劍氣駭風霆爲汝呵卧榻病魔台遁
驚比如連六國共卻函關兵造化小兒耳安敢思兼并

天孫故事竟誰因
難向銀河問假真
但覺有情天一片
娟娟風月可憐人

鄒平曉發

梁州城外繞沙溪
旭影微明月影低
絕好屏山青萬疊

一齊排在黛橋西

沙溪一名黛溪有黛橋

會仙南望數峯羅
薄靄如雲暗翠螺
未見日輪起何處

曉霞紅已上摩訶

摩訶峯在會仙山南為長白山之最高處

玩湖頂上暫停車
又過凝嵐隱士居
一樣空青好山色

不知何處著蓬廬

前明成固原隱凝嵐巖下

滄粟庵詩鈔

卷二

三

春煙澹澹罨羣峯
春氣如煙向日融
寄語賀家山上杏

主人未返莫先紅

賀家山杏花梁鄒之一勝也

九峯環列儼如屏
許灤波光照眼青
帶水依山好村落

可憐消歇墨王亭

墨王亭在許灤新城王象晉建

湖濱一望水拖藍
萬頃琉璃映翠嵐
記得客秋煙雨裏

碧蒲紫芡夢江南

許灤在九龍山西周環四十里

書堂上下洵靈奇
偉績如何卻在斯
天恐勲名歧學問

借才遣並伏生祠

上下書堂宋范文正公讀書於此

店號青陽春岫青
誰傳戚里舊時形
烏鴉紅樹昌平道

風雨蕭蕭泣故陵

青陽店為明宣廟孫皇后故里

來是殘秋倏早春埋頭塵牘歎勞薪探幽尙負孤筇約
枉與青山作主人

甲辰秋闈和莫枚昉刺史韻

未曾修到大羅天得與斯文詎偶然一片秋簾好明月
舉頭延伫已頻年

庚子從事外簾

桂枝香裏坐秋陰入耳商聲一曲琴春夢定教閒觸迓

落花飛絮十年心

余乙未始試春闈落第迄今十載

得謝羈塵身暫輕冰心同抱玉壺清懽吟且共聯今雨
漫撫苔岑百感生

自嘆

滄粟庵詩鈔

卷二

三

果使輿情愜當無負此官那知作吏苦不獨治民難坎
窞隨時見冰霜特地寒勉思避嚴譴方寸幾時安

送王侶樵表兄旋里

卧對家山幾度秋年來頻動客星愁劇深情味成多感
大好詩才稱遠遊似子高風眞野鶴如予宦海亦閒鷗
廣摻諧噓狂飛盞舊夢依稀在謝樓

余所居村名

要使鄉賢慧業存陶園百日費評論無多卷帙千秋事

幾許丹黃兩袖痕夜坐惟留明月影

君喜滅燭夜坐

夢游常伴

古詩魂何當便作登樓賦漳水滔滔月色昏

此去曾無千里程渭城也覺慘離聲友朋感別紛投句

謂良生小晉 風雨如秋助送行才拙難酬知己望力綿
惺甫諸君 深負故交情殷勤爲訂重來約多恐歸鴻怕遠征

青縣道中

滄南青北道逶迤一望平蕪天四垂叢樹綠餘霜重後
遠帆紅見日斜時路雖多改看猶熟村不能名想可知
暢好鄉音來滿耳恨無人識鬢如絲

同里遲澧蘭蘅浦校刊

08262

滄粟庵詩鈔

卷二

十四

